



28 o Haratua 2021

Kua tonoa kia Paekākā te ingoa mana o te puku o te taone o Te Whanga-nui-a-Tara

E tonoa ana te New Zealand Geographic Board Ngā Pou Taunaha o Aotearoa kia tāpaea mai he whakaaro e te iwi tūmatanui mō te whakamana i te taunaha i te puku o te taone o Te Whanga-nui-a-Tara ko Paekākā ka rere nei i te takiwā ki te Botanic Garden, ki Anderson Park, me te Bolton Street Memorial Park.

Ka whakaaehia e te Poari kia tae atu ngā tāpaenga whakaaro e tautoko ana e whakahē ana rānei mai i te 27 o Haratua 2021 ki te 28 o Pipiri 2021. Kāore te ingoa kua tonoa e noho hei ingoa tapa taone, ka kapi kē ko tētahi wāhi whānui ake i noho hiranga i mua ki te mana whenua.

Hei tā Wendy Shaw, Hēkeretari o te Poari, "E tono ana te Poari kia tāpaea mai e te tangata ōna whakaaro mō te ingoa e tonoa nei – ina koa te hunga kei te hapori o te takiwā tonu."

I tāpaea mai te tono e te Kaunihera o Te Whanga-nui-a-Tara, i te takohatia atu o te ingoa ki a rātou e te mana whenua o Taranaki Whānui.

Ko ētahi take matua i tonoa ai te ingoa nei ko te whakamōhio tonu i ngā kōrero Māori tuku iho mō ngā rauemi o te takiwā i whakamahia i mua, me te tūhono atu anō i ngā mahi whakaora ake i te kākā ki Te Whanga-nui-a-Tara, kua kitea anō i taua takiwā.

[Ētahi atu kōrero, tae atu ki ōna toronga me ngā kōrero ārahi mō te tāpae whakaaro mai](#)

Kōrero tuaroa me ētahi atu kōrero

He rōpū motuhake ā-ture te New Zealand Geographic Board Ngā Pou Taunaha o Aotearoa ka mahi ngātahi ki a Toitū te Whenua Aotearoa.

Ko tā te ingoa wāhi he tohu kei hea ake tātou. He tohu hiranga hoki mō ngā kawenga taha ahurea at e hunga o ēnei rā, o mua, nā rātou i taunaha, me tā rātou i uara ai. He nui whakaharahara te mōhio ki te ingoa tika o tētahi wāhi me tōna wāhi tūturu ki ngā kōrero me ngā mahi o ia rā, pērā i te āta tautuhi a ngā ratonga whawhati tata 'kei hea ake' tētahi wāhi i runga i te whāwhai, te mārama me te tika tūturu.

Ka kitea ngā ingoa wāhi mana o Aotearoa i te [New Zealand Gazetteer](#).

Pātai pāpāho

Īmēra: media@linz.govt.nz me waea mai rānei ki 027 566 5251.